



Aningaasanut Nunanullu Allanut Naalakkersuisoq

TUAVIORTOQ

Aningaasaqarnermut Ataatsimiititaliap suliaq nr. 01.31.06/09-00402 pillugu tallimanngornermi ulloq 20. februar 2009-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 29. januar 2009-mi ataatsimiinneranni imm. 2a)

Konto pingaarnermut 24.01.01-imut, Akileraartarnermut Aqutsisoqarfimmi allaffissornermut tunngasumut, ilassutitut aningaasaliissuteqarnissaq

Naalakkersuisut **inassutigaa**,

- Kontomi pingaarnermi 24.01.01-imi, Akileraartarnermut Aqutsisoqarfimmi allaffissornermut tunngasumi, aningaasaliissutit 3,0 mio. kr.-inik amerlineqassasut, aamma
- Kontomi pingaarnermi 20.11.50-imi, Ingerlatsinerneqarnermut sillimmatinut tunngasumi, aningaasaliissutit 3,0 mio. kr.-inik ikilineqassasut.

Aningaasaqarnermut Ataatsimiititaliap oqaaseqaatai

Nunatsinni sulisitsisunik nakkutilliineq 1. januar 2007-imi unilluinnartutut oqaatigineqarsinnaasoq qinnuteqaammi matumani pineqartumi allassimavoq. Tamatumunnga ilaatigut pissutaavoq akileraartarnermik suliasap qitiusumut nuunneqarnerata kingorna sulisitsisunik nalunaarsuisarfimmi sulisut amerlasuut suliasanik allanik isumaginnittussanngorlugit nuutsinneqarsimanerat. Ilaatigullu sulisitsisut arlallit Akileraaruserivimmut nammeneq piomassusertik naapertorlugi qarasaasiakkut nalunaaruteqartarnissaat qitiusumik aqutsilernermi anguniarneqarsimagaluarpoq ajornarsimallunili. Akileraartarnermi siunnersortinik allanik arfinilinnik atorfinitsitsisoqarnissaa siunertaralugu Akileraartarnermut Aqutsisoqarfimmut 3 mio. kr.—inik ilassutitut aningaasaliissuteqarnikkut ajornartorsiutit taakku aqqiiviginiarneqarput.

Akileraarutinut A-nut akiliutinik unerartitanik akiliisitsisarnerup sulisitsisut namminneq piomassuseqartut nammineertinneqarnerannik tunngaveqartinneqarsimanera piviusorsiuunngiluinnartutut Aningaasaqarnermut Ataatsimiititaliamit tikkuarneqassaaq. Sulisitsisut amerlavallaarujussuit akileraarutinut A-nut akiliutinik unerartitanik ingerlatitseqqinnatik tigumminiinnartarnerat paasineqarmat akileraarusiisarnerup qitiusumik aqunneqalernissaa Inatsisartut toqqarpaat! Taamaattumik Akileraartarnermut Aqutsisoqarfiup periaaseq taaneqartoq toqqarsimammagu paasiuminaalluinnarpoq.

Sulisitsisunik nakkutilliisoqannginnera akileraarutinut A-nut akiliutinik unerartitanik ingerlatitseqqinnani tigumminiinnarnissamut nunatsinni sulisitsisut amerlavallaarujussuit atorsimagaat ataatsimiititaliap oqaatigissavaa. Taamaalluni akileraarutinut A-nut akiitsut 325-350 mio. kr.-inngorsimasut allassimavoq. Akiitsut taama amerlatigilerneranni ilassutitut aningaasaliissuteqarnissamik qinnuteqarnikkut aatsaat iliuuseqarniartoqarnera akisussaassuseqanngiluinnartuliornertut Aningaasaqarnermut Ataatsimiititaliamit isigineqarpoq.

Aningaasaqarnikkut taama ajorluinnartumik inissisimanerup aaqqiivigineqarnissaanut suliniutinik **piarnerpaarpaamik** aallartitsisoqarnissaa Aningaasaqarnermut Ataatsimiititaliamit **sakkortuumik kaammattuutigineqassaaq**. Suliap ingerlanera pillugu ingerlaavartumik ilisimatinneqartarnissani ataatsimiititaliap naatsorsuutigaa. Tassunga ilanngullugu akileraarutinit A-nut akiliutinit qanoq annertutigisut annaasatut isumakkeerneqartarnersut pillugu ilisimatinneqarnissani ataatsimiititaliap kissaatigaa.

Sakkut atorineqarsinnaasut tamaasa atorlugit nunatta karsiata pisariaqanngitsumik annaasaqannginnissaa Akileraartarnermut Aqutsisoqarfiup qulakkiissagaa Aningaasaqarnermut Ataatsimiititaliap naatsorsuutigaa. Akileraartarnermut inatsimmi § 105 ataatsimiititaliamit ilaatigut innersuussutigineqassaaq, taanna malillugu piffissaagallartillugu akileraarutinit unerartitanik akiliinngitsoortoq Kalaallit Nunaanni pinerluttulerinermi inatsit malillugu pineqaatissinneqassaaq. Aammattaaq akiliisitsiniartarnermi oqartussat annertunerusumik sunniuteqartumik ingerlaannartumillu suliniuteqartariaqarput.

Suliap malinnaavigineqaqqinnissaa siunertaralugu aalajangiinerup matuma nuutinnera Inatsisartut Ataatsimiititaliaannut susassaqartunut nassiunneqarpoq.

Aningaasaqarnermut Ataatsimiititaliap aalajangiinera

Suliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap akuersissutigai.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua

Nuutinneri:

- Inatsisartut Kukkunersiuinermut Ataatsimiititaliaat
- Inatsisartut Akileraartarnermut Akitsuusiisarnermullu Ataatsimiititaliaat